



SERENISSIMO  
COSMO III.  
MAGNO HETRVRIÆ DVCI

H A S

PHILOSOPHICAS THESES  
PERENNIS OBSEQVII IN TESSERAM  
N V N C U P A T A S

*Publicè propugnandas*

In Templo Florentino SOCIETATIS IESV

P R O P O N I T

SEBASTIANVS ALEXANDER SESTIVS.



FLORENTIÆ, MDCXCV.

Ex Typographia Petri Matini sub Signo Leonis Aurei.  
SUPERIORUM PERMISSU.

SERENISSIMO  
COSMO III.  
MAGNO HETVARIAE DUCI

PHILOSOPHICAS THESES  
PERENNIS OBSERVII IN TESSERAM  
INVINCIBILES

Publice propugnatae  
In Templo Florentino SOCIETATIS IESU  
PROPOSITAE  
SEBASTIANVS ALEXANDER SESTIVS.



FLORENTINAE, MDCCXV.

Ex Typographia Pauli Martini sub Signo I. et A. A. A.  
SUPERIORUM PERMISSU.



# SERENISSIME MAGNE DVX.



*Erebar, PRINCEPS SERENISSIME,  
Tibi me sistere, nisi ea mihi Sapien-  
tia fecisset aditum ad obsequium,  
quam Tu & magistram, & comi-  
tem adhibes in Imperio. Debebantur  
ha Tibi Theses, ut Principi, neque  
enim diu illi quarendus Mecenas fuerat, qui Te Prin-  
cipem nactus erat; Libentius tamen sisto Sipienti.  
Obrulisssem Principi, quod accepisses, ut debitum, non*

amasses ut tuum; Sapienti utrumque offero. Enim  
 verò, & agnoscis vectigal in subdito, & in Sapientia,  
 qua donaris, diligis tuum: Adeo enim Te illius totum  
 fecisti, ut fortunati erroris imposueris necessitatem, &  
 Sapientia se ipsam in Te, & tibi Te in illa colendi.  
 Hereditario Iuri Sceptrum debes, Sapientia meritum;  
 illud Te peperit ad Imperium, hac Te formavit.  
 Panegyricum hic ego instituerem, cui finem nullus im-  
 poneret modus, si incipiendi faceres potestatem; nam  
 qua orationis moderatio esse possit, ubi in eum incide-  
 rit Principem, quem licet ingeniosa eloquentia fallacia  
 adscitis uadequaque veterum aut Regum, aut Casa-  
 rum exemplis comparantis specie, non circumdet aliena  
 potius luce, quam sua; Magnum tamen ostendat ne-  
 cesse est, si solum, sibi que uni collatum, vel nuda re-  
 rum gestarum narratione in medium produxerit. Sa-  
 nè quamvis plura vix adumbrentur, plura pratercan-  
 tur; diu, & accurate dicenda, decorum sola tuorum  
 nomina famam lassare possunt; & illustriora Anna-  
 lium Hetruscorum monumenta pretiosa tempestate  
 inundare. At quoniam Laudanda, Princeps Optime,  
 facere, quam laudari semper maluisti, dubo moribus  
 tuis, quod meritis dandum erat. Mihi verò de tua-  
 rum Virtutum laudibus tacenti hoc erit solatio: illau-  
 datus esse non potest, qui laudes meretur, & respuit.  
 Quid quod ex Principis modestia verecundus orator  
 speciosam habet causam, qua tenuitati consulat sua,

nimirum indisertus videri non cogitur, dum videtur obsequiosus. Tu interim, *MAGNE DUX* Serenissime, relictam hanc a maioribus meis obsequij hereditatem, quam in his *Theſibus* deſero, non aſpernabere, & *Xerſis* haſtam è proximo flumine aquam, cavàque oblatam manu, non dedignantis longo intervallo gloriam ſuperabis. Probatum olim *Mediceis* Principibus fidem, & bellicam virtutem ex *Atavis* meis *Alexander*, qui non unius in *Hetruria*, & gliscente *Senenſi* bello, *Bonitiensis* præſertim *Arcis*, *COSMO PRIMO* Imperante, Præfectus, Martem Principi optimè de ſe meritò addixit: *Minervam* tuis ego, & auſpiciis armatam, & *Victoria* ſpe alacrem ex arce *Philosophia* certaminis in arenam duco, illud iam nunc profeſſus laurea, vel antè pugnam donari militem, qui Te *Præſide* dimicabit. Virve diu publica felicitati, Populorum Amor, & Gaudium; Ita vovet.

*Sereniſſima Celſitudinis Tue*

*Humillimus, atque omni obſequio  
addiſſimus Servus, ac Subditus  
Sebaſtianus Alexander Seſtius.*

[illegible]

... deorum iola tuorum  
 ... in Domini hunc  
 ... presens transgessit  
 ... Princeps Optime  
 ... dabo meritis  
 ... dandum est. Anni vero de regno  
 ... hoc est solatio: allan  
 ... inquit  
 ... orator  
 ... consulat me

THE-

3. A



# THESES PHILOSOPHICÆ.

—————

## EX LOGICA.

**D**atur Logica Artificialis, hoc est, habitus studio, & exercitatione acquisitus per regulas certas, & infallibiles operationum nostri intellectus, & est ad alias scientias totales acquirendas solum moraliter necessaria: Est virtus intellectualis secundum partem Analyticam, Topicam, & Sophysticam; Est vera scientia simpliciter, & adæquatè practica; Bene dividitur in docentem, & utentem, prima est, quæ dat præcepta quasi in abstracto definiendi, syllogizzandi &c. Secunda est, quæ per sua præcepta actu dirigit operationes intellectus; Habitus autem Logicæ docentis, & habitus Logicæ utentis non realiter, sed per intellectum solum distinguuntur.

2. Suppositis varijs Obiecti acceptionibus, & divisionibus, obiectum materiale Logicæ non sunt voces, neque res omnes, neque intellectus, ita ut Obiectum attributionis sit, vel voces rectè dispositæ, vel res rectè cognitæ, vel intellectus rectè intelligens, sed Obiectum materiale sunt operationes intellectus, quatenus dirigibiles, Obiectum formale est ipsa rectitudo, & operatio recta est Obiectum attributionis, & licet



Obiectum adequatum Logicæ sint omnes tres operationes asserimus tamen Obiectum principale Logicæ Aristotelicæ esse syllogisum demonstrativum.

3. Entia rationis Logicæ, ut esse cognitum esse genus, &c. & universi omnes secundæ intentiones Logicæ non constituuntur formaliter per aliquam relationem fictam, neque per aliquod ens diminutum, atque abusivum, sed sunt denominationes extrinsecæ reales provenientes à formis realibus, scilicet cognitionibus taliter, vel taliter tendentibus in obiecta. Universale Logicum est unum aptum prædicari de pluribus; in ipsa actuali prædicatione retinet universalitatem; recte dividitur in quinque quasi Species, quæ sunt Genus, Species, Differentia, Proprium, & Accidens; hæc quinque prædabilia bene definiuntur solitis definitionibus, Genus ut habeat rationem prædicabilis, requirit plures Species saltem possibiles, prædicatur de suis inferioribus per modum totius potestativi, & habet rationem partis actualis componentis unam cum differentia Speciem. Differentia specifica consistit in dissimilitudine essentiali plurium in eodem genere contentorum, rursus dicimus repugnare Speciem immultiplicabilem. Individuum est, quod de uno tantum prædicatur, potest abstrahi ratio communis ab omnibus individuis in particulari.

4. Voces significant primario, & immediate res, secundario verò, & mediatè conceptus. Veritas formalis est conformitas cognitionis cum obiecto sicuti est in se, datur solum in actibus iudicativis, non reperitur ergo in rebus, neque in sensibus, neque in simpliciter apprehensione, in quibus tantum reperitur veritas materialis, & radicalis. Veritas formalis non suscipit magis, & minus, licet suscipiat falsitas, adeoque una propositio, licet non possit alia verior esse, potest tamen esse falsior, non est adequatè intrinseca actui verò. Ex duabus propositionibus contradictorijs de futuro contingenti, tam absoluto, quam conditionato altera est determinatè vera, & altera determinatè falsa, etiam præscindendo à Divina Scientia. Actus semel verus non potest transire in falsum, nec è contrario.

9  
 5. Discursus est progressus intellectus ab una notitia in  
 aliam; hinc sequitur ad rationem, discursus requiri pluralita-  
 tem noticiarum, itaut una notitia ab alia interatur. Discursus  
 includit essentialiter non solum conclusionem, sed etiam præ-  
 missas. Syllogismus est oratio, in qua quibusdam positis aliud  
 quid a positis necesse est contingere, eo quod hæc sint. Vis  
 syllogistica fundatur in illis principiis dictum de omni, & di-  
 ctum de nullo. Positis præmissis, quibus intellectus assensum  
 præstitit, necessitatur ad assensum conclusionis, tum quoad speci-  
 ficationem, tum quoad exercitium. Demonstratio est syllogismus  
 faciens scire; alia est à priori, alia à posteriori. Demonstratio à  
 priori procedit ex veris, primis immediatis, & notioribus, cau-  
 sisque conclusionis. Datur scientia de novo, quæ non est pura  
 reminiscencia, & definitur cognitio certa, & evidens demon-  
 strans de suo obiecto proprietates per certas demonstrationes.  
 Dividitur in practicam, & speculativam, quæ diversitas desum-  
 mitur ex fine utriusque. Potest in eodem intellectu stare simul  
 actus veræ scientiæ, opinionis, & fidei tum divinæ, tum hu-  
 manæ circa idem obiectum materiale.

## EX PHYSICIS.

1. **P**hysica, quæ est vera Scientia speculativa habet pro ob-  
 iecto attributionis corpus naturale, ut naturale. Principia  
 intrinseca corporis naturalis sunt illa, quæ neque ex alijs, neque  
 ex alterutris, sed ex his omnia fiunt; In fieri corporis naturalis  
 sunt tria, scilicet materia, forma, & eius privatio; In facto  
 esse sunt duo, nimirum Materia, & Forma; Materia prima,  
 quæ est substantia incompleta, definitur positivè, & negativè,  
 positivè sic; Est primum subiectum huiuscuiusque, ex quo fit  
 aliquid cum infic, non secundum accidens, & si aliquid cor-  
 rumpitur in hoc abibit ultimum; Negativè definitur; quod  
 per se ipsam neque est quid neque quantum, neque quale,  
 neque aliquid aliud, neque negationes horum, sed id, de  
 quo omnia prædicantur, est ingenerabilis, & incorruptibilis,  
 est pura potentia physica, non metaphysica, quia includit  
 actum

actum entitativum. Habet propriam existentiam, per quam saltem inadæquatè existit, præscindendo ab existentia formæ, & licet materia prima non possit naturaliter existere spoliata omni forma substantiali, supernaturaliter tamen potest. Appetit appetitu innato omnes formas, non quidem appetitu simultaneo, sed simultatè appetitus. Hic appetitus est indistinctus à materia; & est appetitus æqualis ad formas inæquales. Necessitas materiæ primæ colligitur ex conceptu quidditativo transmutationis substantialis, & ex universaliissimâ inductione in cæteris mutationibus, tum naturalibus, cum artificialibus.

2. Forma substantialis definitur communiter. Ratio ipsius quidquid erat esse rei; Formæ materiales educuntur de potentia materiæ, Formæ spirituales sicut non substantantur à materia, ita nec in illius potentia continetur, nec ex illa educuntur, sed creantur à Deo. Falsissima, est, imò periculosa in fide sententia Athomistarum negantium omnes formas substantiales, excepta anima rationali, & omnia accidentia physica distincta à substantia, & motu locali corporum, & constituentium omnes mutationes substantiales, & accidentales, mutationes per meram Athomorum diversimodè figuratarum combinationem. Dantur igitur in compositis naturalibus, præter formas accidentales, formæ etiam substantiales, quæ sunt veræ substantiæ incompletæ; & partes compositi actuates materiam, cum qua constituunt substantiam completam.

Forma licet sit pars principalior compositi tamen non est tota illius quidditas. In eodem vivente non dantur simul, præter formam totalem alix formæ, vel corporeitatis, vel partiales, adeoque Caro, Os, Cor, &c. solum materialiter, & non formaliter differunt. Privatio formæ subsequenter est principium per se fieri corporis naturalis, compositum præter materiam, & formam includit unionem, quæ necesse utrumque extremum. Hæc unio est modus substantialis superadditus materiæ, & formæ essentialiter requisitus ad constituendum unum compositum, in quo unica tantum datur unio recepta in materia. Non distinguitur realiter compositum à suis partibus collectivè sumptis.

3. Natura definitur : Principium ; & Causa ; motus , & quietis eius , in quo est primo , & per se , & non secundum accidens ; Ars dicitur naturæ imitatrix , quia applicando acti-  
va passivis producere potest plures effectus naturales ; Ars Chymica directivè concurrens verum aurum efficiens repu-  
gnat moraliter , non physicè . Causa est principium determi-  
nans cum virtute adesse aliquid ; Alia est materialis , alia for-  
malis , alia efficiens , alia finalis . Negamus in causis efficien-  
tibus mutuam causalitatem , & admittimus posse supernatu-  
raliter eundem numero effectum pendere a duplici causa to-  
tali . Causa ad hoc ut agat indiget conditionibus requisitis ad  
agendum , scilicet , ut detur approximatio , dissimilitudo , & di-  
stinctio inter agens , & passum ; Negamus actionem in distans  
naturaliter loquendo , & actionem similis in simile in qualita-  
tibus corruptivis .

4. Actio , quæ definitur : Actus huius ab hoc non distin-  
guitur realiter à passione , quæ definitur : Actus huius in hoc ;  
Probabilius est actionem recipi in passio . Causa finalis est illa ,  
cuius gratia cetera fiunt ; Virtus causæ finalis est sola bonitas  
apprehensa vera , vel apparens ipsius finis . Sola agentia intel-  
lectualia agunt formaliter propter finem . Substantia produci-  
tur immediatè ab accidentibus , tamquam à causa instrumentali .

5. Deus immediatè , & necessario concurrit ad omnes , &  
singulos effectus causarum secundarum ; Hic concursus Dei  
non est physica prædeterminatio , quæ multiplici ex capite repu-  
gnat ; Est igitur concursus Dei in actu primo cum causis se-  
cundis exhibitio Omnipotentis indifferentis ; In actu secun-  
do verò est ipsa actio , qua Deus , & creatura indivisibiliter  
agunt ; Cum toto hoc tamen stat , quod Deus determinet  
creaturas ad individuationem effectus .

6. Motus , quæ est præcipua proprietas corporis naturalis , de-  
finitur : Actus entis in potentia , prout in potentia , quæ definitio  
convenit successivis , & instantaneis motibus . Dividitur motus  
in motum generationis , alterationis , augmentationis , & in mo-  
tum localem . Generatio est mutatio totius in totum nullo sen-  
sibili remanente , ut subiecto eodem ; eius terminus formalis est  
sola

sola onio. Subiectum inhesionis accidentium materialium, non est totum compositum, sed materia prima, in qua recipiuntur mediante quantitate; Hinc negamus fieri resolutionem usque ad materiam primam in generatione substantiali; Alteratio corruptiva est mutatio in qualitatibus contrariis, aut medijs manente eodem subiecto sensibili; est motus successivus, & continuus; Intentio qualitatis alterativæ fit per additionem gradus homogeni ad gradum in eadem parte subiecti.

7. Locus physicus est superficies prima corporis continentis immobilis; Præter locum extrinsecum datur etiam locus intrinsecus; seu ubi modaliter distinctum à loco extrinseco, & Corpore locato; Per hoc ubi res est formaliter in loco, & per idem determinatur ad hoc ut sit potius in uno, quam in alio loco. Supernaturaliter non implicat penetratio corporum, licet repugnet naturaliter; potest idem corpus de potentia Dei absoluta esse in pluribus locis non solum definitivè, sed etiam circumscriptivè, non potest tamen replicari ipsum ubi. Non potest dari creatura quæ sit, & nullibi sit.

8. Vacuum philosophicè consideratum est locus realis carens corpore contento; repugnat naturaliter, plura experimenta, quæ afferuntur a nonnullis ad probandum dari naturaliter vacuum non probant intentum, & in specie experimentum præclarissimi mathematici Evangelistæ Torricelli de Barometri; seu Vitreis Fistulis cum Hydragyro non probat in segmento extante; seu parte relicta à Mercurio descendente usque ad certam mensuram esse vacuum; adeoque egregiè allucinantur illi, qui dicunt esse demonstrationem ocularem loci sine locato in prædicto segmento extante Barometri, immò reponimus esse demonstrationem ocularem loci cum locato.

9. Rursus machina Pneumatica Roberti Boyle neque probat fieri vacuum in recipiente, quod est vas vitreum, negamus enim totum aerem recipientis, deducto pluries embolo, commeari in Anthlyam; attenuatur quidem aer in tali casu, totus non extrahitur; ex tali autem aeris attenuatione sequi-

13. sequitur, ut non possit deservire animalium respiracioni; dum autem animal in recipiente positum respirare nequeat, mirum non est si intereat; idem dicimus de cæteris Phænomenis, quæ succedunt in prædictis experimentis non probari ex illis fieri vacuum. Natura igitur, quæ maximè abhorret vacuum, utitur tamquam instrumentis vi elastica corporum, virtute trahente embolum in Anthlijs, aeris præssione, tensione, gravitate, (si verè graviter) levitate, rarefactione, & densitate corporum ad impediendum vacuum; Cum toto hoc tamen asserimus præsertim contra Chartesium per Divinam Omnipotentiam posse fieri vacuum, & in tali casu potest fieri motus gravium, & levium, alijque motus, dummodo non fiat nova corporum disjunctio.

10. Tempus est mensura, seu numerus motus secundum prius, & posterius; præter tempus extrinsecum datur etiam intrinsecum, scilicet duratio, quæ est modus superadditus determinativus rei, ut hoc potius quam alio tempore duret. Implicat creatura quæ sit, & numquam sit.

11. Admissio infinito synchathegorematico negamus omne infinitum cathegorematicum creatum, negamus etiam possibilem esse creaturam perfectissimam, qua perfectior sit impossibilis. Negamus etiam creaturam aliquam potuisse esse ab æterno, vel sit permanens, vel successiva.

12. Quantitas est accidens distinctum à re quanta, eius effectus formalis non est extensio localis, aut extensio partium in ordine ad se, aut ratio mensuræ, sed est naturalis impenetrabilitas subiecti, cui inest, cum alio subiecto eodem accidente affecto.

13. Continuum non componitur ex indivisibilibus, sive hæc indivisibilia sint mathematica, ut voluit Zeno, sive sint formaliter indivisibilia, & virtualiter divisibilia, sive indivisibilia divisibiliter locata, quæ alio nomine vocantur puncta inflata, sive sint indivisibilia physica, quæ vocantur minima physica.

14. Probabilius existimamus cum Aristotele continuum componi ex partibus divisibilibus in infinitum non actu, sed potentia tantum distinctis, & hanc sententiam problematice tantum propugnamus.

15. Mun-

15. Mundus est simpliciter perfectus, & unus; non est animatus; non fuit, nec potuit esse ab æterno. Coeli, seu regiones stellarum sunt liquidæ. Negamus systema Coperhnicum, & admittimus Thyconicum. Syderibus fixis inest lux innata. Agunt sydera in hæc inferiora non solum per lucem, sed etiam per alias influentias. Elementa, quæ remanent in mixtis solum virtualiter sunt quatuor, scilicet Terra, Aqua, Aer, & Ignis, & constant ex materia, & forma substantiali distincta à primis qualitatibus. Unicuique elemento conveniunt duæ ex primis qualitatibus una in summo, alia in excellenti; Sunt autem primæ qualitates quatuor, omnes positivæ, & activæ, nimirum Calor, Frigus, Humiditas, & Siccitas. Virtutes motrices elementorum sunt distinctæ à substantia ipsorum elementorum, & à combinatione, & temperamento primarum qualitarum, & sunt qualitates positivæ. Elementa in proprijs locis non gravitant, neque levitant.

16. Anima benè definitur actus primus corporis organici potentia vitam habentis. Conceptus vitæ in actu secundo est perfectio simpliciter simplex, & prædicatur univocè de Deo, & creaturis. Non dantur in eodem vivente, nec simul; nec successivè plures animæ, sed solum unica anima, quæ est principium plurium operationum vitalium; Partes fluidæ, & humores non sunt animati; partes verò, quæ vivunt in actu secundo, ut Organa, Caro, Nervi, Pili, Ungues, &c. animantur. Omnes animæ præter rationales sunt materiales, adeoque divisibiles. Potentiæ animæ nec inter se, nec ab animæ distinguuntur.

17. Potentiæ animæ vegetativæ sunt nutritiva, augmentativa, & generativa. Est verissima sententia de circulatione sanguinis in corpore animalis. Potentiæ animæ sensitivæ sunt sensus, tum interni, tum externi. Dantur species impressæ non solum in potentia visiva, sed etiam in alijs sensibus. Visio fit per introspectionem specierum non per extramissionem radiorum. Lux est qualitas physica, & non sunt corpuscula evibrata à Sole, stellis, vel alio corpore luminoso; ut falsò imaginantur nonnulli; Præter colores apparentes, & trans-

euntes,



seutes, dantur etiam colores reales, & permanentes. Fit visio in Retina. Allucinantur ergo aliqui Atomistæ docentes nullum alium dari sensum in animali præter tactum, qui prout magis, vel minus acutus diversimodè nominatur nunc oculus, nunc auris, &c. sensationes verò aliud non esse, quam titillationes, seu vellicationes atomorum sensibus accurrentium, qui solum ratione diversarum vellicationum, quas percipiunt, diversificantur inter se. Anima rationalis est forma informans corpus humanum; est immaterialis, indivisibilis, & immortalis; habet anima rationalis duplicem statum, alium in corpore, alium extra corpus, utrumque tamen illi connaturalem.

## EX METAPHYSICIS.

**I.** **M**etaphysica, quæ est scientia speculativa, habet pro obiecto adæquato ens reale, quod ens reale benè explicatur, quod sit illud, cui non repugnat existere physicè; perfectè præscindit à suis differentiis, & differentia ab ente; adeoque conceptus entis respectu Dei, & creaturæ, substantiæ, & accidentis est univocus. Possibilitas actualis alterius mundi non est aliquid physicè existens intrinsecum mundo possibili, & à Deo contradistinctum, quocumque modo vocetur, sive ens diminutum, sive ens abusivum; neque talis possibilitas est sola denominatio extrinseca ab omnipotentia Dei potente alium mundum creare, sed est possibilitas intrinseca, quæ consistit in hoc, quod, si alter mundus existeret, non sequerentur duo contradictoria. Potest intellectus cum creatus, tum increatus facere ens rationis metaphysicum, & concipere impossibile, quod ens rationis definitur esse illud, quod tantum habet esse obiectivè in intellectu. Negationes obiectivæ sumptæ formaliter non identificantur cum ente positivo, neque sunt aliquid à parte rei, quod dicatur ens negativum, sed propriè loquendo nihil sunt independentè ab intellectu. Essentia in rebus creatis non distinguitur ab existentia. Attributa entis sunt tria scilicet unum, verum, & bonum. Unitas in abstracto est negatio divisionis; superaddit supra ens negationem.

2. Uni-



2. Unitas alia est universalis, alia numerica, seu individualis. Universale metaphysicum est unum aptum esse in multis; non datur à parte rei; nec in singularibus, nec extra singularia, neque in Ideis Platonis, sed solum in intellectu creato, à quo solo fit per cognitionem directam, & præcisivam, non obiectivè, sed formaliter. Principium individuationis, seu unitatis numerice non desumitur à materia, vel per ordinem ad ipsam, neque per ordinem ad circumstantias materiales, sed est ipsa entitas cuiuslibet entis singularis. Identitas realis est summa unitas extremorum, quæ maior dari non potest, dicens ipsorum consensum in omni omnino perfectione cum mutua affirmabilitate in recto. Distinctio verò est vera extremorum de se invicem negabilitas in recto.

3. Inter gradus metaphysicos realiter identificados nulla datur distinctio media inter realem propriè dictam, & rationis. Negamus etiam in creaturis omnem distinctionem virtuale, vel sit extrinseca, vel intrinseca, quæ sit capacitas ex parte obiecti ad subsistenda prædicta contradictoria; solum igitur agnoscimus inter prædictos gradus distinctionem rationis ratiocinatæ. Hinc negamus præcisionem obiectivam. Denique ens reale bene dividitur in decem prædicamenta, quæ sunt: Substantia, Quantitas, Qualitas, Relatio, Actio, Passio, Quando, Ubi, Sicus, Habitus. Substantiæ conceptus bene explicatur per hoc quod sit principium per se subsistendi, & alijs substandi. Dividitur in primam, & secundam, hoc est in singularem, & universalem. Relatio alia est prædicamentalis, alia transcendentalis, prædicamentalis non consistit in solo fundamento, nec in sola ratione fundandi, nec est entitas modalis distincta à termino, fundamento, & ratione fundandi, sed constituitur formaliter per utrumque extremum posita ratione fundandi. Nec datur adæquatè ad terminum non existentem.

LAVS DEO.